





古者太史韜軒採詩以觀民

詩可以觀朱子曰詩本人情該物理

可以見政事之得失風俗之盛衰其

為觀也大矣哉我朝



謹

列聖相承璇章睿藻並於天文館閣諸

公賡颺迭和以譜明良之盛者又已永垂

不朽於戲真所謂大觀在上矣以故

詩

學士文人隱流方外謳吟性情咏歌  
光化者遍於海宇蔚為奇觀即雅  
頌之盛不難復追而况漢唐以下乎雖  
然古之作者多矣三百之存輶軒之  
採也漢魏六朝之貽文選之力也唐音  
之傳十種之選也宋元以來代有作者  
即代有傳是作者不必傳其作者之才

之識能及於作者譬之崑山之玉滄  
海之珠其實非弗貴也必有擗拾之  
珍藏之者而後光華流通于海宇侯  
於詩心竊好之錄之傳之而又慮山  
林風雨之廬藏弃者多故力搜而傳  
之茲綜十三郡之作及外省郵寄共計  
若干卷錄之于木名曰

國朝訪觀或曰天下大矣即西江之詩尚不能盡其十一斯名也何為哉予應之曰是固不足以概

國朝之詩也然即是訪而觀亦可見我朝湛恩濺澤涵天際地學士大夫皆得優游饜飫為此治世之音如鳳鳥之鳴於朝陽有耳目者爭先覩之為快

矣况有是集而分觀之更合諸公之選者而合觀之其未選者待諸公搜集而再觀之愚于暇日復勤褫績而續觀之又何必存見少之意也哉乾隆乙酉年孟秋月濱洲王錫侯書

詩例

一溫柔敦厚詩教也。凡語涉譏訕事矣。朝政及自鳴不平者。概不敢載。

一風雅之道裨益風教。凡淫辭艷曲。蠱人心術者。不錄。

一名公巨卿。有專集行世者。天下已經傳誦。亦不勝錄。

一閨壺之作。佳者亦錄。蓋三百篇皆勞人思婦之所作也。

一釋道之什。晉唐以來。無朝無之。佳者亦錄。

劉念拔

萬元慶

王鼎

曾廷試

黃詔

洪鐘

陳顯英

毛濟美

王廷楷

余瑚

方懋祿

朱英千

卷三

王槐植

王之政

王世章

涂錫盛

涂建芬

孟澤厚

劉宏鑰

劉宏度

劉宏挺

陳銓

王學翀

劉甲華

王士倬

劉應坦

劉應青

劉拔中

張永貴

劉秉鉞

彭桂祚

劉秉潤

劉宣濟

朱煥

褚邦慶

顧昌

張禮源

胡自協

汪世洋

卷四

黃師圖

彭紹茲

黃弘度

陳自焜

陳世暉

羅元會

李蘊暉

傅天錦

崔長庚

崔見龍

龔自誠

熊化邦

黃作求

黃森

陳侶浩

李孝溱

邱聲宏

邱聲揚

胡鶴

卷五

李杜

陳洪謨

陳洪猷

劉飛鳳

陳堯勛

李際春

韓松

韓暄

韓露 王鴻澤 曾哀 張皋

黃之瀚 蕭本誠 吳璘 何上選 黃曙華

崔宸 曾世棟 吳璨 吳陳式

李清馥 王用儀 席鳳岡 揭經

卷六

王鳳喈 萬中侯 涂學珙 謝應熊

陳兆傑 周正芬  方卓

丁熙 丁大猷 吳邦鏞 吳炎

劉穗 劉子謚 劉懷仁 劉及

劉智芳 周承灑 曾章緯 崔謨

卷七

魯成龍 涂以轍 蔡毓元 熊祖行

蔡毓祥 彭翰 彭相后 鄧遠

趙永齡 王章 李璵 熊勝景

張大成 祖母 草詩 趙青達 鄧材

卷八

彭亮 彭澤令 湯斯祚 羅一葵

陳濬 黃道煒 楊念祖 謝枝崙

涂鶴 吳紘 吳祖馨 李清馥 李象井

邱心永 譚必大 李之芳

卷九

汪德鵬

吳法韶

汪禮富

朱依卬

甘亮

辜耕莘

應天任

應大振

趙蒼壁

余公相

趙鳴岐

席筠

卷十

應麟

洪依皖

洪允中

羅兆麟

過名山

鄒憲

趙由作

趙與羔

彭壟

王臣

王國琦

周尚文

劉家駒

徐曰昌

徐曰晨

徐曰昶

黃登源

涂夢麟

郭夢琴

揭要

况熾芬

魯興東

卷十一

盛謨

盛鏡

盛樂

盛牧

盛翼

崔琪

劉量

程祥

劉家珍

劉澡

甘本英

漆雲駿

漆雲棟

黃甲桃

方瑚

陳崇本

陳元瑄

王家賓

陳瓊

陳玠

甘兆年

陳章

梅炳

吳祖望

卷十二

汪輒

傅紫綸

江大成

符瑞鳳



杜繼凱 杜文明 劉嵩 李煌

裴植 羅躍龍 馮天衢 魯邦華

陳飛鵬 馮堽霏 丁元錫 方參

王朝翰 揭鳳翽

卷十三

胡濬 陳日暄 趙由煌 王吉

張師載 陳開潤 陳德政 陳德琰

李鄖 黃峻 朱雲鳳 朱能恕

余凌雲 張植琇 宋啓傳 黃耀星

李天英

卷十四

余鳴珂 李趣堂 楊琦 徐叨罷

冷璧 皮天佩 余承烈 吳明照

謝贊 謝士睿 鄧鋌 歐陽拭

鄒洵

卷十五

周學山 余佩 符寧載 趙由儀

王在新 辛廷芝 劉侃 歐陽煥

羅巨燦 舒性 羅克樹 官夢蛟

應起鳳 王占鰲 涂建書 盧蜚鴻

王士脩 龔近光 胡一夔 何大樑  
魏啓 龔道光 胡潼 張文杜

卷十六

何天爵 劉大中 黃甲榮 王曰韶

曹良臣 李葆元 胡功懋 劉桂芳

胡道南 何璠 蔡稭 戈溥

戈模 鍾儼祖 廖為光

僧源壁 通穎 一鑿 葦航

海南 定集 清遠

國朝詩觀卷一

瑞州新昌王錫侯韓伯編次 男霖校字

鄒瑄字即墨今有政毅行取禮部儀制司主政典

廣東鄉試子孫科第鵲起著有敬事齋筆記草

丁丑秋出都松嶺行

金風吹紫陌。天高宇宙寬。紅塵撲馬首。落葉飛團  
稟春光去幾時。蔥蒨遂改觀。衰榮無定在。今古同  
嗟嘆。物生具介節。終始庶自完。如彼嶺上松。青青  
歷歲寒。芳菲逐桃李。安得無凋殘。早絕鶯花侶。是  
以虬龍蟠。我行致蒲洒。清氣紫眉端。誰謂秋容淡。

蒼髮正耐看。竭來冰雪重。脩望骨珊珊。

山曉行望小蓬萊。用杜少陵望嶽韻。

夜雨洗塵色。一目千山了。岩下走歸雲。孤月挂天

曉人行古木。巔鞭梢。颺宿鳥。獨立最高峰。蓬萊真

夜坐書懷

小小。奇壯似杜  
月白夜窻寒。刁刁風冷峭。午漏未能眠。披衣對清  
照。曠然念我生。拙癖安可療。孤懷詎矯俗。學步愧  
惟肖。而况造物心。錯落頗難料。鳶魚自飛躍。猩狒  
坐啼笑。奚復事推移。一真涵象妙。

海石

大塊有奇氣。鍾靈岳與瀆。水石日相摩。芥子須彌  
足。古人具隻眼。什襲珍如玉。還似供香臺。冷艷明  
燈續。我生抱頑質。無喜亦無懼。長紅裊道旁。天海  
照心目。片石何處來。云自勞山麓。慙慙出袖中。秀  
色幽光矚。幻想楚猿化。陰火生。蛾綠猶疑水。底松  
龍髯千歲伏。石色沉綠列嶂翠屏開。出岫青雲簇。石攢  
雲趾擁眉宇。挹三山。烟嵐時一劑。石三如絕壑瀉  
無聲。晃蕩水甌綠。石有壑澗如瀉架筆海上峰。珊瑚空煜  
煜。我欲擬仇池。千里韞書麓。緬邈鬱林舟。清風在

國朝詩集 卷一  
帆腹真心一念空。開眸萬象觸秋色。淡無窮。蕭蕭更何欲。介石良可懷。庶以媚幽獨。結可 見志

舟次讀書

青青江上峰。悠悠山下水。獨有聖人書。同茲流與峙。正脉在六經。散見于子史。是皆道所存。先後遙相俟。如何廢不親。豈盡顛蒙恥。學士走風塵。籤軸湮朱紫。繫予事簿遊。蹉跎歲月裡。遺榮愧未能。不殆頗知止。恭承 聖主恩。予告歸田里。萬事難並歡。古人良有以。願言山水間。歌詠終餘齒。

道中偶成

僕夫貪早程。驅車衝宿霧。不知何時雪。猶凍前山路。磊磊湍石橋。起我冰淵懼。坦道詎云遙。心目無他注。還語後來人。急行寧穩步。

陪內使獵勞山即事

三更疋馬五更霜。雞犬聲聲驛路長。但使萬家安枕席。何妨長吏一身忙。夜半雪飛燈滅扣戶求火不知為令來也

西湖

誰把西湖比西子。佳人爭似湖光美。紅顏一去粉黛銷。湖邊夜夜笙歌起。

舟泊河口寄詹次平

蒹葭綠岸露蒼蒼。河口灣舟繫綠楊。夜月寒江秋  
一色。溯洄人在桂花坊。次平住鉛山桂花坊

雪中遙憶庾嶺梅花

雪點征衣似落梅。朔風吹向馬前堆。計程十八灘  
頭過。庾嶺梅花幾個開。

梅嶺即景

南枝開落北枝飛。片片春光點翠微。幾度東風吹  
不盡。暗香浮動使臣衣。

鮑叔故封

真才自古難知己。上賞由來屬薦賢。假使當年無

鮑叔。夷吾那得至今傳。

宿勞山寺

古松依峭壁。盤鬱護香臺。日出紅千岫。雲開白一  
堆。草簾連霧捲。梵鼓雜潮催。歷歷神仙島。何人此  
度盃。

看花黃氏山庄

雨歇春光麗。開庭溯舊時。松筠無改態。桃李故搖  
姿。草闢花應茂。根深葉不萎。已知先澤遠。種德類  
如斯。言中有物

宿山左早發

國朝詩集 卷一 郭瑄  
旅枕尋殘夢。奚見鬧促裝。村醪聊軟飽。豆粥頗撐腸。落月依人淡。停雲對客忙。蕭蕭秋又老。何日是行藏。

宿龍山

秋色連山紫。清風孃暮烟。馬知人宿處。鳥喚酒帘邊。沿壁看題句。消愁覓和篇。那堪隔院裡。咄咄只論錢。

九月鄒平途中憶即墨農事

計時來十日。逾月老三秋。雨麥知方長。霜蕎樂晚收。勞農循吏職。占稔慰宸憂。僕僕風塵裡。關心在

綠疇。

耐冬花

生海島中寒冬盛開紅花綠葉如山

百卉爭春色。幽芳獨耐冬。紅分出海日。綠暗臥雲松。霽雪山山淡。寒花樹樹濃。故應舒客眼。更上最高峰。

元宵分韻得嫌字

雪消春暗轉。淑氣散蓬簷。把酒饒村釀。沽鮮得海鷗。三門仍弛禁。即墨三門舊歲元宵以年荒海警戒禁今仍弛五韻且分拈。徹夜衢歌沸。清貧未足嫌。

初雪寄友

紙窗朝氣靜。簾外影婆婆。已覺松微膩。還看竹半斜。三分驚髮色。一點淨心花。坐聽陽春曲。郵筒寄

里巴

五六新艷

旅意

留客情何急。板輿引倦騎。一杯槐作茗。四屋稻為籬。芻牧驚風雨。東坡群馬就牧如風雨声盤餐嘆斗箕。柝敲殘夜夢。早慮出門遲。

東林寺

過江多嶺路。層折入東林。院冷僧談古。碑殘字耐吟。虎溪遲客步。龍井淨禪心。畫壁空傳笑。寺西偏有三笑

堂遺像廬山翠欲侵。

數九

臘殘頻數九。宮柳爛黃金。時六九諺有沿河看柳之語薊北寒應薄。江南春漸深。紅塵失野性。白髮謝朝簪。茅店鷄聲外。空餘眷關心。

燈夕前一日即景

隱隱吹烟動。柴門竹徑斜。野燒驚火樹。殘雪點銀花。行子宵燈亂。村童歲鼓譁。上元何處是。買酒醉山家。

書帶草

葉如蘭吐花結子如聯珠霜後彌有光氣

幾年山院付邱荒。猶見翩翩帶草長。脩葉綠坡滋  
夜雨。弱條朱蕾挾秋霜。不隨桃李依人艷。雅共芝  
蘭出世芳。筆墨有靈天地老。花開花謝想書香。

歸自會城望見治境時計冊及歲試並迫

鬱紆層阜曉鳴鞭。無限情悰一望間。百里山川三  
面海。九重雨露萬家烟。時賑蠲後勸農已覺催科拙。校  
士誰將器識先。幾載勞心何處是。醒朝報最豈  
徒然。

### 勞山漫興

勞山孤聳接蒼穹。刪盡繁華見化工。寒澗無心紫

曉日。石門有徑度清風。兩峯鏗立如門天連海水相為碧

雪點岩花自在紅。山多耐冬花吏拙故應消結習。樵歌

魚唱太平宮。宮在山頂

### 九日即景

紫岫寒烟秋氣森。郊原歷歷快同臨。晚霜愛麥蕎麥

重添秀宿雨催寒。燕浣砧。聞道占風知歲秘。老農于九

日看風占歲喜聽耦唱趁時霖。正遇時雨種麥更從深樹籬邊

過山栗盈筐酒載斟。三四輕秀

### 長安九日懷家兄弟

金臺宮柳望參差。北雁南天繫遠思。一片冰心寒



碧海三秋爽氣挹皇居。采萸插髮知同健。花萼登樓合有詩。莫惜手。檄頻寄我對床風雨定。何時。

飲邢氏一畝園

山吐晴光鳥弄唇。柳絲搖曳軟紅塵。咏歌勝地偕

童冠邂逅天涯洽。主賓浪跡十年春。又老。

予始宦計今十

年移情一畝興。方新漫愁落日歸來晚。信馬平坡

月照人。

村庄

烟雲隱隱護村庄。春入山花草亦香。日暖舊巢鳴鷺。穀雨添新水。泛鴛鴦。麥疇浪疊深深綠。柳岸絲

牽淡淡黃。尋得有生真樂處。眼前何地不羲皇。

早秋言懷和文石濤太史

甘苦同人已共嘗。炎威乍捲得新涼。風催翠草寒

無色。秋入黃花晚。益香閨苑當年聲價重。錦江幾

日口碑長。已知臺閣虛君席。飛夢如何到澤湘。

石濤

以詞林遷四川牧引見仍留館用

雨中過飛來寺

飛來古刹望蒼茫。烟水溟濛接大荒。密雨三春添

錦浪。長風千里接危樯。坐看草閣人如畫。咲指山

花句欲香。遊屐未愁苔徑濕。嚴程無暇說空王。

二月望日聚奎堂花月交輝

康熙癸巳二月鄉試

文星重聚喜春長。花滿欄杆月滿廊。五嶺雲烟收夜色。三山草樹帶天香。枝枝燭放丹葩彩。片片心如皓魄光。取次賓筵聽鹿唱。庚垣奎曜兩熒煌。

梁貞女詩

閩寇犯粵貞女罵賊沉江死

名姝沉恨水江濁。耳沸南天傳亦奇。芳草淒淒埋粉黛。流風冉冉失鬚眉。紅顏已具睚陽舌。青史誰留幼婦詞。聖世只今榮節烈。海邦萬里待陳詩。

李友棠

字號恒齋臨川人乾隆乙丑進士欽點庶吉士現任吏科給事中

驪山懷古

四之二

露臺欲作旋休工。儉德身先孰與同。十室中人留薄產。千秋仁祖有祠宮。不須石椁誇張釋。却訝銅山賜鄧通。鼓瑟邯鄲虛悵望。霸陵烟樹晚濛濛。

文帝白壁微瑕只是寵賜鄧通一節要不愧仁儉主

七夕空教誓女牛。曉風殘月幾番秋。頽垣草合明珠殿。畫索塵昏羯鼓樓。寂寞那堪瞻白獸。虛無豈料化黃虬。開天遺事憑誰說。清渭無情萬古流。

此咏明皇事驚心動魄可泣鬼神

秋日灘行

典廣西鄉試

山木鬱蒼蒼。歲晏容不悴。氣候雖使然。託根在得。

地青壁虬龍枝。蟠拏尤縱恣。下臨不測淵。然犀當有異。潛伏衆豈驚。變化方知貴。是物是人 貴在立根

懸鑑別妍媸。公明私則暗。冀免隕越愆。敢謂無遺憾。鎖院扃深嚴。屋漏凜窺瞰。緬懷正始音。朱紘存古淡。俗流漸波靡。浮薄觴已濫。文教洽百年。久道成非暫。曩瞻太華旒。今繫牂牁纜。寧敢負初心。甲乙慎點勘。孤寒更可念。福澤家無斲。司衡 玉尺

答王孝廉濱洲

傾蓋剏逢授衣始。長歌慷慨今誰比。招邀暫泊孝廉船。斗升寧望監河水。經過荒徑得羊求。情好通

家聯孔李。肯度金針蠹。簡餘尚惹黃塵烏帽底。五字推敲君最精。萬里馳驅吾倦矣。平生出處本無心。乘流則逝得坎止。硯田舊業未能忘。記事纂言披百氏。漫從學海問津涯。要令藝圃刪榛杞。斫地原推磊落才。逢時方信東南美。上林給札還相期。傳寫應售洛陽紙。穆堂先生文行為西江北斗 今先生繩武而興詩律雖

渾尤追跡盛唐囊草盈 千謹登數首以發其凡  
孔傳相字帝勳 五品執事官 謙謙之度令人可掬  
至聖裔住居滕縣世為聖廟

皇恩賜官

崇師無限意。重道有餘恩。雨露沾天闕。風雲會聖

門萬千年典禮四十員聞孫展拜冠裳富巍然祖  
德尊聖朝曠典千古為昭矣

送柯村五弟遷嶧

書旌颺古道。雁澤序來賓。不忍言分手。恐滋淚泫  
巾。三千年魯士。二世滕人負。笈從茲去。嶧陽別  
有春。

答王淑先釣突泉原韵

奇觀似此世。輕無萬斛珠。璣噴玉壺舞。鶴奮翎何  
日。竭騰蛟吼淚。幾時枯。平翻雪浪傾。三島怒湧水。  
濤下五湖七十二。泉皆勝賞。樂源飛出碧山孤。

王良地

字登我新昌人平生好積書手鈔不下  
數百卷

九日自述

飄零書劍客中羞。漫憶家山夢裡遊。落日長江迷  
望眼。西風黃菊照離愁。殷勤無復王弘酒。寂寞空  
懷庾亮樓。猶記淵明逢此日。東籬詩思滿清秋。

賀壽

乘鶴歸來意已醇。閑情慵與世交遊。一庭日映松  
筠午。數畝雲連稼穡秋。客到樽中浮綠蟻。仙來花  
下臥青牛。眼前風景羲皇上。何必區區數海籌。

曾叔祖詩草甚多被人竊去其題冬景首句有  
云萬山落木萬山空最為雄渾旋被竊去不能

記憶全首嘗以為恨乃知佳句之傳亦有幸不幸也

熊暉吉

字孚有號悔亭雍正甲辰會魁仕至大理寺正卿生平制藝陶鑄諸家自成一冠冕諸同人不能及也

### 初夏寄懷蔡崇山親家

經旬客况未開閑。夏木風清一解顏。楊柳陰濃溪浸綠。鷓鴣啼老竹成斑。故人遙對樽前月。獨鶴孤飛雲外山。自咲羈棲緣底事。虛君夜榻悵烟鬟。長向荒齋鎖寂寥。峰頭雲影漫飄飄。松翻翠壑干山壯。鴛戲金塘一水搖。落月欲歸驚謝豹。早枝偶借借鷓鴣。最幸我友同心曲。又隔春光想夢遙。

鳥噪山深靜。迤迤黃梅四月雨。聲多漸看榴火催。朱夏已見林花綴。碧蘿言少起予思。契濶學非為已耳。蹉跎流鶯愁聽交相和。生事浮萍獨嘯歌。詩成得接手教訊。離愁外自傷似甚我者更。

### 作寄慰

悲歌一曲興方終。書到翻驚感慨同。杜志陂陀騰駿馬。長年鉛槧老雕蟲。但能道德安時晦。可信雲天有路通。醉眼古今聊放曠。梅花幾見負春風。冉冉年光上鬢催。如君那禁重徘徊。夢隨幻蝶春魂蕩。愁觸懷鷓夜月哀。長劍崆峒昂七尺。華文金

石限三台未須拊髀空酸楚。努力乘風且厚培。  
何恨天高消息深。浮生莫問此升沉。世情聊付三  
春夢。永夜長存萬古心。鳥語花香閑處得。鳶飛魚  
躍靜中尋。北窻高臥悠然意。二十餘年悟自今。  
空堂只許燕呢喃。僧寺幽棲迥隔凡。月定鐘敲搖  
暝樹。雲奔佛座宿蒼岩。冰霜短檠摩千帙。花柳前  
川信一帆。香出菱荷歸日近。與君酌酒醉青衫。

先生七律句敲字擊。不露鍾痕。凡稱大雅其餘諸  
體可知矣。長君藏弄。僅此七首。不勝惋惜。

錢志遙 字莊遊。歸孺堂。甘泉人。雍正庚戌進士。  
予告雜咏

罷相門前無客來。休官縣令更微哉。燕歸止認舊  
巢壘。曲罷爭趨新戲臺。不信肝腸真是雪。還憂蚊  
蠓聚成雷。非從得失關頭看。那見人偏向暖偎。

人情大抵如斯

旅情

一官成浪迹。白首感飄零。奴僕經秋燕。親朋向曉  
星。病添愁作祟。鄉杳夢無靈。竟日稀來客。蒼苔生  
滿庭。

病中白髮亂鬢髻。強自支持倚瘦藤。年老故鄉無  
社友。身閑比戶得詩僧。嘗多藥味忘辛苦。閱盡人

情絕愛憎。斷梗隨波任飄泊。夕陽江上暮烟凝。

揭曉日得王二韓伯捷音

文字交深已廿年。英才以惜困青氈。欣逢鯉化秋  
庚午。快觀鵬飛路十千。臥病老夫如得藥。乘時吉  
士斷登仙。治裝正理還鄉棹。歡喜都將別恨捐。

先生令新邑歲丙辰侯應縣試蒙伯樂之顧名  
上加一錫字及庚午倖捷是日謁候先生大喜  
云吾病今日霍然起矣現不佞霜蹄屢蹶而先  
生下世近十年矣檢讀遺稿不勝慨然

周孔從號白亭寧州人乾林壬戌進士 欽點

巢 小孤山

瘦石橫江面。亭虛出小孤。水聲兼帶楚山色。半趨

吳雲。隱高祠。暮霜寒。老樹枯。遙遙飛鳥外。天際一

浮屠。三四雄  
壯穩切

月夜讀白香山詩

金玉含寶光。晶瑩色如水。豈無追琢痕。精足淨渣

滓。茫茫大海流。波文平遷迤。豈不鼓風濤。氣盛吞

涯涘。我觀白公詩。精氣復如是。慘淡蘊經營。落筆

翻清泚。以此陋諸家。聾牙爭奇詭。展步一長吟。江

上清風起。精足氣盛四  
字太傅鉄評

金克誠字惺存號字中順天人初任新昌縣丞

清如玉壺冰

鑒冰何所貯。恰有玉壺居。虛白誰相似。真清可配  
諸舍光。藏弗密透。耀踴疑。疎太素。無心銜空。明照  
胆舒質。同霜降。厚氣奪月生。初臣節。應知此。從風  
望翁如。刻副工雅

聽歌有感

客懷長自覺蕭騷。此夜何妨逸興豪。滿座賓朋知  
曲否。周郎自是許吾曹。

李茹旻

字覆如。臨川人。康熙癸巳進士。任內閣中書。善集句。刻有二水樓詩文行世。

渡揚子江望金焦二山作

鉄甕重城外。金焦兩玉浮。洪濤衝北固。砥柱立中

流。水月三千界。乾坤十許洲。遲余駐帆席。為作決  
旬遊。

灌園

編竹雲卿圃。時蔬宋宇家。長饒原活計。短綆亦生  
涯。隙地分栽菊。巡簷並種瓜。倦餘成獨笑。風落豆  
棚花。

贈漁翁次羅昭諫韻

數椽門外柳陰垂。白水魚竿鬢已絲。一笠每衝山  
雨過。孤舟常帶渚烟移。炊殘菰米秋深後。醉到蘆  
花月上時。借問軟紅香土客。五湖風味幾人知。



洒落似香山

馬伏波祠

伏波勲業威南服。廟食千年桂水隈。烈士不忘歸馬革。英姿何必繪麟臺。梁松漫遣浮言入。朱勃終能矩步來。願海只今銅柱在。支天半壁未摧頽。

舟次大孤山集句

先生集句數百首皆工力悉敵如出己手畧載二首

晴山烟外翠。李升巨石水中央。杜甫晚色千帆落。許孤

霞一片光常樓臺重。蜃氣參津市。半漁商。錢起獨坐

岩之曲。盧照鄰青雲起鴈堂。沈佺期

次揚州

淮南江北海西頭。南場帝柳色參差掩畫樓。司馬

藥比容花比貌。錢起木蘭為楫桂為舟。李嶠年年只見

人空老。白居易日日悲看水獨流。王昌齡二十四橋明

月夜。杜牧愁心一倍長離憂。李端

甘為仁。字克復號理齋奉新人乾隆壬戌進士

近世罕匹生平著述甚多有蕙圃亭詩隲待梓

詠懷五首

古人既已往。望古長歎歔。不見古人向。幸讀古人

書。群言棄糠粃。幽懷結所居。夷猶捐世累。跌宕客涵

太初。不必吟梁父。經籍恣耕鋤。更欲尋真賞。萬載

共躊躇。

登山登崑崙。溯源溯星宿。採彼幽澗蘭。植我東籬菊。浩志薄雲霄。清機媚耳目。步趨自有真。薪傳在私淑。勤脩晤紫陽。澄懷見白鹿。迴障狂瀾東。景仰盟幽獨。

人生累萬端。所懼無節操。松柏敵歲寒。衆芳已消耗。如何出世才。有骨不能傲。淡泊見天心。取攜皆玩好。光風霽月中。對之舞且蹈。名流常寂寞。聖賢多潦倒。貧賤自吾分。屢空何足道。

孤顏接雲霓。層累渺無數。默懷登陟情。取境非恒路。被以瑤華草。環以珊瑚樹。指引悵無人。低徊再三顧。崛強不自惜。獨往無驚怖。道路遠且長。絕巘何時赴。且勤卑。通功優游自朝暮。

藹藹園中竹。清幽共古今。况此詩書種。百世有同心。世事多反覆。闕然變陽陰。長歌勝于哭。憂樂獨追尋。未可云見道。閑之不使侵。待時還自愛。拂石撫瑤琴。

先生骨懷洒落安貧學道讀此可以知其槩

守貧

歲歲守貧賤。饑寒兩相忘。浩然發舒嘯。潦倒植網常。烹茶邀夕月。把軸挹晨光。勁節雅自愛。無為懷

慘傷何以貽家室。幸有芝蘭芳。天心未可測。嗟氣接混茫。  
守貧二字是先  
生一生得力處

稚子

稚子嗷嗷啼向我。家無薄粥可奈何。携汝墻頭摘  
花去。傳聲且喜片時過。  
絕妙  
消遣

寄友

今日獨坐幽齋者。似有懷思不能舍。青箋綠箋牙  
碧箋。信手拈來無字寫。  
斯為  
至情  
傷于家口歌  
令西平時作  
朔風吹雨雲雷吼。汝水四決于家口。哀我斯民重

苦辛。去歲已經淹地畝。可憐枵腹尚興工。窮廬無  
處覓升斗。方脩復決可奈何。財殫力匱空奔走。我  
民何罪。罹斯災。汪洋四顧頻搔首。自慙無德轉天  
心。政德乖方。只自咎。昧死再拜叩蒼穹。尚能軫念  
窮黎否。窮黎蒙災實可悲。令有罪兮。令宜受。

惻然父  
母之言

過琵琶亭

茫茫江水荻花汀。不見琵琶只見亭。總為高人留  
妙作。波濤長化管絃聽。

已未仲冬與新昌王二韓伯高安陳三晴波

聯會思立名未得是夕忽夢變雲二字因以變雲軒為會名

變雲兩字夢中奇。水火均調二氣宜。想是從龍消息近。蒸成霖雨洒天達。

感懷

重山隔故土。望處晚烟平。感彼登樓賦。懷茲旅食情。風因寒夜急。月為素秋明。何以遺書札。南來有鴈聲。

宿蓼田余氏書屋

夜坐水榭中。寥寥天宇空。繁音疑驟雨。疎響和飄

風。星落前溪白。燈來遠路紅。話闌聽欲睡。懸想夢相同。

初秋旅懷

旅館羈遷客。俄經夏及秋。貧深惟信命。悶久不知愁。未有還鄉策。空貽破甑羞。妻孥同餓病。尚得再生否。

三四實學實景

清明有感

清明祭掃各匆匆。到處烟凝草露中。一滴尚能沾土壤。十年誰解惠貧窮。子規啼出林巒血。錦燕悲隨上下風。腸斷山原非我有。

余四世之柩未及舉故云頓教心

目涵晴空。先生此事為生平大恨今先生之軀又停悲夫

秋旅感懷

淒涼旅况欲誰依。倚檻無聊對晚暉。半枕夢魂家  
屢到十分秋色。願多遠已傷驥馬輕羈絆。難倩飛  
鳧作伴歸。悵望江山腸欲斷。風吹黃葉落。征衣。

之西平任別王願良名臣新昌人官德州左所清苦與先生同

衣想芙蓉佩。想蘭嚶鳴。好友素稱難。竒緣忽喜從  
天合。別恨何堪際。夜寒慙。三長當劇邑。敢將五  
斗薄微官。故人諒有安民策。莫把魚書但勸餐。

讀董恆崑先生芝龕記題詞四首

委鬼當權運已傾。陰邪毒氣釀刀兵。雲陽慘下啼

烏血。秦良玉之夫馬千乘為麻驛悲傳戰馬驍沈奄人所陷卒于雲陽獄

雲英父至緒戰麻驛被賊圍空恨車箱迷大計。賊

諸人在車箱谷被擒救不殺。悵懷重慶守孤城。良

慮重慶為川要地無重。忠心貫日誰能表。董氏春

秋獨著名。

碧天風拂義旗開。女帥偏懷上將才。良玉代夫為石砮土司累

將封大。鉄馬高從錦水下。金戈遠自蜀山來。每殲蛇

豕。無路不掃鯨鯢肯便回。獨恨孤軍難遂志。空

垂血淚想雲臺。可作良玉列傳看

霧髮雲髮出翠幃。輕盈弱體不勝衣。慧心殊有班姬筆。膂力曾無娘子威。倉猝重圍提劍入。須臾尺馬救鞬歸。群兇遠遁孤城保。忠孝長垂百代輝。

沈至緒守備道州殺賊被圍女雲英救回卒詔以雲英襲父職代守道州踰月辭職奉父柩歸

兵戈滿地血成溪。肉食誰驚祖逖鷄。勦賊魯無勇

逐北勤王。獨有女征西。紅顏赤憤威名遠。白桿青

霜勇力齊。良玉練有白桿兵各執白桿所向無敵日薄桑榆悲莫挽

只今巫峽夜猿啼。三四可悲可慨

明秦良玉沈雲英事為千古巾幗奇聞芝龕記雖未見讀此詩可以為之吐氣真傑作也

王大年字若揚號拙山廬陵人康熙乙未進士官順德知府著有拙山詩稿

### 雨夜書懷

未諳秘書字。還聽佔畢聲。現因長獨守。筆舌未停耕。齊瑟憐空鼓。吳鉤欲自鳴。夜深風雨驟。百感逐蛩生。

### 雨後新秋

雨過秋山送夕陽。小亭今夜入新涼。草經細潤光凝露。月帶微寒色透霜。落葉無情驚客邸。擣衣何處憶家鄉。尋常一樣西風景。却惹離愁問昊蒼。

### 贈趙二加南旋

帝迹京華兩閱年。金蘭投契賴高賢。消磨歲月因

聯句顛倒英雄欲問天。老驥還能誇駿步。名駒況  
復看雲騫。羨君歸去鄉關好。遠樹依微入暮烟。

贈友南旋

再噴霜蹄意未平。蕭然寄迹傍神京。由來遇合真  
難問。却信文章老更成。把袂依依留月住。歸帆片  
片逐雲生。知君雅負凌霄志。豈效當年阮步兵。

寄張學宣

芝蘭臭味許誰同。相憶疎簾夜雨中。每到柴門邀  
月坐。還尋竹迳看。煙籠家無卷軸難誇富。腹有經  
笥未是窮。漫向江皋愁落莫。幾看岩下老英雄。

秋砧

蕭颯秋深夜。清砧處處響。鳴催寒頻入耳。久客豈勝  
情。響送三更月。風迴萬杵聲。故鄉何日到。莫漫教

歸程。

先生諸作音節和雅

端午讌集即事

京華幾度遇中天。知已啣杯興不窮。劍氣相投蒲  
葉綠。丹心欲吐石榴紅。每因令節開懷抱。劇對名  
賢企錯攻。飽德已深兼醉酒。坐移喬木蔭清風。

賦得疎雨滴梧桐

梧桐葉未落。疎雨動寒聲。點點羣鴉靜。蕭蕭衆籟

鳴。乍。飄。疑。碎。玉。疊。響。似。彈。箏。幾。度。培。根。厚。今。番。濯  
影。清。澤。非。涓。滴。細。潤。比。露。華。盈。頓。喜。塵。襟。滌。風。濤  
樹。杪。生。

江城五月落梅花

玉。笛。傳。清。響。薰。風。待。落。梅。暗。香。隨。韻。滴。冷。艷。逐。散  
迴。嬾。嬾。初。飄。砌。紛。紛。亂。點。苔。江。城。臨。夏。景。洞。裡。散  
春。魁。斷。續。瓊。英。墮。參。差。粉。蝶。來。當。年。林。處。士。應。作  
落。花。猜。二作皆  
工細

陶其慤

字孚中號  
現任彰德府知府著有栗亭詩選

南城人乾隆壬申進士

留別胡因素

金。風。吹。薄。暮。秋。意。散。雲。閒。壯。氣。非。闕。酒。孤。懷。不。在  
山。十。年。留。一。劍。今。夕。且。言。還。又。有。臨。橋。別。蕭。條。行  
路。顏。三四  
奇崛

舟中感懷二首

黃。浦。橫。雲。望。渺。茫。飄。零。獨。倚。一。詩。囊。何。當。桂。棹。三。  
更。夢。吹。入。龍。城。萬。里。霜。沙。岼。草。寒。鴉。色。冷。荻。蘆。秋。  
老。雁。聲。蒼。憑。誰。寄。我。無。聊。思。潦。倒。滄。江。有。夕。陽。

老氣  
橫秋

一。帆。飄。泊。自。西。東。如。此。山。川。望。眼。空。家。在。練。江。新。  
霽。外。人。行。秋。水。暮。煙。中。生。涯。拘。鎖。吾。誠。拙。心。事。讓。



涼各不同。賞酒村帘求一醉。又聞前路是新豐。

贈胡涇邨

萬物皆有歸。斯人何飄泊。仰首見天高。孤雲方出壑。孰抱百年心。九州無寥廓。漉酒勸君飲。古人不可作。

兀傲

秋夜同友人坐月

半輪明月照秋毫。樹樹松聲起素濤。萬井燈隨螢火亂。一天風送鴈聲高。奇愁豈為聞砧起。遠志非關縱酒豪。無限蛩鳴鳴不住。似將心事懣吾曹。

歲暮遠行內人贈以風霜方滿目。一劍獨長

行之向慨然賦答

負郭田安在。餓驅不可辭。我嗟頻失路。爾苦復何疑。不負風霜意。方知造化慈。無為分手後。復此獨鳴悲。

邵宗寶

字又賢都昌人雍正己酉舉人新昌教

泊高郵州

東南澤國瞰江多。州入高郵景若何。野水直排天作壑。危城半沒地盤渦。林中林向汀中出。堤上人同頰上過。積土編廬真險絕。金錢歲費苦防河。

奇語 遍肖

吊羅隱墓

流水孤村晚照寒。墓傳詩客淚堪彈。珠簾惜見生前貌。紫詔空頒死後官。波捲甌江靈氣滅。草侵狐穴旅魂殘。望仙移壘由來久。不得行人下馬看。

詩人薄命昭諫其一也

譚尚忠

字序號古愚乾隆辛未進士任福建興泉永道著有幼芳詩集

大雪飲澄霞樓

積霤迷青嶂。同雲黯畫樓。過江橫玉竦。傍渚立沙鷗。酒力全禁冷。歌聲直破愁。灞橋詩思好。鹽背約同遊。

登南山寺

蒼鬱疑無路。禪關曲徑通。人來翠竹下。僧出石巖東。岫遠平湖水。山秋落葉風。野泉分一酌。遐想接坡公。

過半舫閣

導渚斜橫入。居深種竹餘。苔分花影重。烟沒夕陽初。榻靜松雲過。廊喧蕉雨疎。蔣生真意在。三徑得吾廬。

鍾穎早行

旅館夜淒清。却鷄喚曉行。山寒風有力。霜老葉聞聲。

穀僕僕奔馳意悠悠。天地情殘年餘幾日。猶自滯  
行程。老蒼

### 過一窩草堂

自得幽棲趣。何須別買山。簾深因客捲。月滿待人  
還。睡鴨吹烟綠。飛魚出水殷。一窩高唱罷。竹影共  
閑閑。

### 憶白雲情舍

記得幽棲處。松窓二月天。雨聲通石溜。人語隔溪  
烟。野曠雲歸晚。山深日似年。塵傍倘暫息。清夢習  
安禪。

### 秋懷四首

涓涓涼露白於霜。天上金風夜益狂。豈為羣材成  
晚節。故教大地老秋光。懷人夢斷梨花雨。樹酒寒  
生栢子香。驛路不堪重記取。河流迂折九迴腸。  
鎮日西風送客遊。迢迢雙堠共綢繆。無情歲月閑  
山路。不盡江河早晚舟。自是交通能賦恨。何關宋  
玉愛悲秋。砧聲切切催刀尺。涼入深閨少婦愁。  
蓮花漏起九重天。玉露金莖帶御烟。粉署光兮星  
漢上。蘭臺人近斗牛前。官無積務書斯冷。身有餘  
閑吏亦仙。一別直廬秋已暮。鷓鴣班垂翅尚三年。

嘹唳長天數雁回。暮雲殘雨上孤臺。愁人泪逐秋  
聲落。旅客帆從曉霧開。懶性自甘原子潔。明時反  
媿馬生才。淒涼一夜鄉關思。夢遶幽蘭正滿咳。

可敵悲  
秋一賦

### 入都留別

一葉輕搖曲水濱。碧光如洗映秋蘋。河山再辨通  
天路。風月還迎就日人。敢謂有才能報國。羞言得  
祿免居貧。旗亭尊酒催行色。北望燕雲紫氣新。  
南山晴靄蔚前川。碧樹秋風送客船。水外沙鷗閑  
似我。蘆中漁父醉如仙。冰銜又向江亭署。錦字紛

從月地傳。

同學諸友  
各以詩贈

千里間關初入夢。離情長寄

菊花天。

南郭深知愧濫竽。得沾聖澤似醍醐。彤廷樂  
奏千秋序。蓬室輝生九錫圖。芝暖山田春爛熳。日  
高海樹影扶藴。晴光願得長如此。喜策疲驢上  
帝都。

猶是西來聽雨時。酒闌鐘定夜歸遲。

去年此際與  
同人宴集西

來研殘菊。榭花間露題遍。松門竹上詩。一棹清風

臨遠水。滿檣明月照天池。黃金臺畔遙相憶。紉得

秋芳慰所知。

四首風  
流俊拔

陳象樞字取南號渡齋雍正庚戌進士歷官四

### 大渡河

岸東西待早肩輿。半是邛蠻雜里胥。大渡河源刊  
禹貢。公膺稽首飾瓊璆。橫縱翠甸猶生意。歷落歌  
梳自有餘。博望已從西使返。喜將方竹伴琴書。  
殊方景物繪河濱。入眼寧生客夢嗔。曲岫荻蘆飛  
野鷺。高樓鉦柝走戎屯。凍消絕嶺煙浮濕。水落平  
沙浪疊勻。最是武侯深入日。嵐封鳥道覓瀘津。

毛鴻遠

字書雲號閭齋江西新昌人內閣中書

南屏耶溪圖唱和詩與沈太守湯學博同作

嗟予生多辜。穹蒼濩落常曲杜陵旁。懷土望昧急

稼穡。冰田空任似湖湘。農家未有不作苦。而轉磽

确成膏肪。悔今悚念心畊訓。先人敝廬山阿藏。南屏

山麓堂車堰近可耶溪規。灌滋黍稷繁馨香。况乃

南屏足樹立。木奴拚植將千章。棄榆夕照收稍稍。

粲粲老舌鼓鶯簧。忘疲更起臨淵羨。晴絲宕漾忙

非忙。固知難肖東海客。置彼六鰲或得魴。釣罷渡

頭春早熟。酒帘揭渡頭春興致不淺飲不妨。借問醉翁真

醉否。醒心其庶齒於鄉。嗟予末路只如此。憑仗繪

手誌弗忘。怕他卷軸浪粉飾。丁寧誥誠情倡佯。題

槁題塲那名姓。唯圖皓首墾厥疆。君子矜矜同報  
喟。夫夫窮却健未央。先後濡染五色筆。德輝下處  
沒炎涼。鳳兮鳳兮詎一鳳。瑞陽罷署枕鳳山宜好  
湯從事沈侍郎。二公遇我良特厚。標榜醜狀加丹  
黃。菊觀遮莫搜底裏。自認應合強賡揚。山水清音  
終古在。子瑜顏面摹子長。一空糟粕玉缸淨。烏有  
星辰參隔商。請同休斯拳石上。鼻息豈止西河羗。

先生品重才高不妄  
干進載此以識其槩

李其昌字敬伯四川成都人  
進士現在雲南太守

### 竹粉

詎假鉛華媚遠林。孤標素節是初心。穀聲戛玉調  
清操。漠漠生烟長綠陰。鳳尾半拋新月淺。龍身層  
護翠雲深。苞香本是天然色。一着霜毫便俗侵。

寫物寫人  
物格自高

金以成號補山紹興山陰人  
康熙戊戌進士翰林

### 杖晚吟

九折邛崃歷險巖。幸民天幸暮年知。平生隻立無  
依倚。虎臂擎來已較遲。  
年踰絳縣九秋強。靈壽離奇未賜將。他日提攜諸  
父老。百年燕見領班行。

振衣千仞自從容。不借張騫大夏筇。吟到謫仙向  
廬阜。看予手拂六朝松。

攝生彭祖不吾欺。皴面還丹未有資。身是瞿曇老  
尊宿。且于振錫學威儀。

蔣士銓 字辛畬 號清容 鉛山人 翰林院編脩

送汪魚亭脫解南還

少時筆硯兄弟親。可憐無力轉鴻鈞。同輩三五有  
起伏。獨爾苦吟傷賤貧。十載歷君五脫解。疾黎刺  
心艾炙身。每聽風雨過。寒鴈輒念江湖。藏困鱗君  
來辛苦入太學。氣極秋冬當換春。明燈夜焰故舊

影。愛君歡喜襟怒噴。書生氣猛不可屈。強力壓制  
寧見駟翻杯覆局。駭童婢正色凜然來。神鬼須臾  
和溫泛。羨釀清辣味厚原。最醇廟堂用。君索馳坐  
百物應。憚解豸。瞋行年至疆。迺可仕。古人則然。今  
豈屯。我懶閉關抱六籍。君來不迎去不聞。承歡坐  
我老母茵。婦具厨饌免折薪。天末鄉人苛骨肉。况  
漫知己同斯文。高談廢事忘日夕。對飯不知誰主  
賓。秋風吹榜君報罷。令我心死如灰塵。花前爾淚  
墮何處。我家愁嘆驚四隣。有司恩讐本。烏有造物  
播弄知何因。翁子五十始富貴。人生有才終得伸。

國朝詩觀卷二  
所嘆撲被逐萍絮。未能柴闥鎖松筠。明朝相送別  
岐路。我腸隨女轉車輪。先生待友至  
性見乎辭矣

懋王孝廉濱洲南旋

四番遲爾曲江筵。又是鯤池小困年。漫道文窮難  
送鬼。須知劫滿便成仙。弓蛇觸痛原如夢。病眼看  
花似隔烟。苦樂從來相倚伏。回身應快祖生鞭。  
忍具東郊餞別筵。大都哀樂盛中年。前津返櫂同  
遷客。別榜除名是謫仙。時以三場  
微庇彼放夾路紅飛春樹  
雨。敬峰青出暮江烟。更須來乞麻姑爪。莫畏君平  
背上鞭。好句如仙自是  
君身有仙骨

國朝詩觀卷二

新昌王錫侯韓伯編次

男霖校字

徐維綸

字宸掌號蕙畝奉新人乾隆甲戌庶常著  
有宇定山房詩集

西山行

朝見西山影。晝見西山形。暮宿西山麓。客意偕沉  
冥。野店濁醪開夜宴。颯爽秋飈木葉戰。征輪衝霧  
雨。蕪纖却顧乍失西山面。余家西山之西四十里。



嵐光翠。色列屏。几。余。行。西。山。之。中。四。十。度。塵。鞅。石。磴。紛。雲。樹。何。當。結。屋。踞。其。巔。把。臂。梅。嶺。洪。崖。仙。下。視。道。傍。行。子。如。蟻。旋。氣息全似青蓮

望董江都故里

董仲舒故里在北直景州

鄒嶧長徂後。昌黎未起前。斯文懸一綫。吾道策三篇。漢代開昌運。江都老大賢。下帷何處是。碧樹起朝煙。堪作江都讚。不可移易一字。

夜泊胥口

嚴祠絕掛席。胥口又維舟。灘急風無浪。山高月一鉤。人家依樹杪。禽語下檣頭。倘向錢塘望。何殊泛

斗牛。

寫景如畫

紫陽堤

世路多蒼狗。茲堤尚紫陽。臨河思夏德。遺愛識甘棠。吾道流方漲。先生幟乃張。羣言皆默息。萬古荷隄防。小中見大起對不獨工穩無能攝起通篇

望毛公故里

不省銜杯讀楚騷。淵源風雅總醇醪。三家早廢東。西漢千載猶傳大小毛。楊柳春風依客路。榛苓古意動吾曹。停車欲問縉經處。雲薄山村夕照高。

咏懷古迹四首俱雅切不刊蘊藉無窮

七夕示姪曰都曰吉

六首錄三

靈匹希逢一渡河。悲來喜集總如何。不緣兩地經年別。怎識今宵稱意多。

北。斗。闌。干。絮。語。時。當。牕。月。燭。促。還。期。尋。常。三。百。六。

旬。六。靜。聽。天。雞。夜。遲。

味外有味 唐人深處

那有分來天上緣。家。粉。席。禮。星。躔。翻。思。乞。得。人。

間。巧。夜。琴。音。醉。綺。筵。

奇想得 未曾有

徐曰明

字東啟號曉牕奉新人乾隆丁丑進士著

有曉牕詩集

久客安慶有懷

風景阻關河。遊子悲異國。幽棲若楚纍。衷懷常脉脉。散步出長衢。羞為人所識。相識日已多。對之成孤特。望遠復思鄉。時待表兄趙于山同歸不至且暮交惕息。欲知別恨深。視此皖江側。悽楚之音非備嘗客况者不能領畧

余兄禹拜往館經余讀書處恐其不知而相失也書此于道左招之

閑窓倏春半。閉門成懶惰。剝啄無故人。日暮空愁坐。先生竟何之。翩。過道左不入。責在君不告。責在我君聽。讀書聲莫認。悠。者。韻事 爽句

弔陳殷文

陳君殷文喜功名慨然有投筆之志未幾聞以墜馬死余兄禹拜與

陳交甚深乞余詩弔之

陳君好文還好武。酒酣拔劍軒乎舞。胸中韜略爛  
縱橫。鷗鷺乘秋振毛羽。一朝飛鞚走龍媒。天陰鬼  
哭起黃埃。崩如山。嶽轟如雷。遂令知己長啣哀。吁  
嗟乎。人生易逝波洶湧。昨日朱顏今白家。壽夭誰  
復計。彭殤千秋萬歲同邱壟。古人壯烈身莫贖。今  
人靈魄還相續。丈夫投筆事戎軒。先拚一死輕血  
肉。但看平原古戰場。唯有青燐蔓草綠。  
五六以下如風

馳電掣鬼神驚乍

六溪暴雨後聽濤聲作

朝來怪底雷風歇。洪濤奔瀉爭喧聒。千聲萬鼓併  
一聲。轟轟洞洞銀漢裂。溪上勞勞送客亭。溪流滾  
滾總無情。時光送盡今復古。但掩重門君莫聽。

清剗雄渾古人讓席

烏夜啼

蓬門靜闕人語稀。有烏傍我枝上棲。惡聲寥戾聽  
不得。坐令掩卷長嘆息。秋風秋月淨無塵。對此可  
以清心神。烏啼于人復何與。一曲高歌消百慮。

其別有所感而作耶。歎息絕類古人

次韵酬帥兄寧伯過訪

西風吹遠道。有客信吟鞭。便作高軒過。相期十載前。秋聲來古樹。暮色入寒烟。莫枉消長夜。傳杯酒似泉。五六絕 似孟章

德州道中有感

仙源何處問迷津。今古茫茫置此身。萬頃平時疇開北地。五更殘月照南人。春風試馬縈霄漢。夜雨挑燈動鬼神。三度長安成過眼。流光送盡是黃塵。

沉雄悲壯 慨當以慷

反舌無聲

物候推移霧。空傳鳥語更。三春夸百舌。一日廢千聲。林密風偏靜。窓間夢不驚。飄零溪谷暗。寂寞午天晴。苑外蟬都噪。村中鷓自鳴。陽時應有待。發響最幽情。刻劃無聲盡致

寄懷潘雪青羅效仁

好鳥弄青春。候虫吟素秋。時節亦已邁。不為聽者留。荒溪浚且僻。追懽懷舊遊。一雨夜窓寒。兀坐如羈囚。悄然思古人。白骨成山邱。盛年不為樂。旦暮雪滿頭。人生重意氣。千里慕朋儔。相隔馮川水。邈若天河流。

登嘯溪樓

空山亦有樓。處幽不見遠。攬勝百年情。茲焉得遊踐。飛甍壓井閭。村烟猶可辨。廣陌接遙青。雲開見絕嶽。林木相蔽虧。意與清溪轉。古道時有人。幽禽飛不盡。書。散。度。牆。來。冷。然。送。餘。善。境。豁。神。亦。清。頗。足。供。息。偃。安。得。素。心。人。旦。暮。相。往。返。

賦得動復歸有靜得為字 朝考 欽取

萬象從虛始。循環理可推。陽生陰自伏。動極靜相隨。今古微茫處。乾坤闕寂時。雲歸幽障石。鳥宿上林枝。琴罷薰風定。舟停遠浪遲。還邨知市散。入室

驗年移。輪轉初無滯。根蟠亦在為。宸衷操化理。

端拱向瑤墀。涵括無涯 卓然大雅

龍津雪夜同。盛文字雲登。其二子琴瑟賦。

掩門成密坐。頭倒此良夕。深言入苦懷。惆悵在今昔。吸茗相慰勞。誰復為主客。夜闌襟袖寒。瓦溝亦已白。

徐曰都字中甫一字目 詩曰明弟優 增生著有目耕詩文物稿

阻風登山感懷

登高一以眺。天地入深秋。雨霽芙蓉岸。風寒蘆荻洲。客心千里雁。草艇一湖鷗。落日荒山滿。遙聞喚

渡頭。高

### 登青雲樓

涼。霽。滿。孤。城。登。樓。此。日。情。一。帆。秋。水。影。萬。樹。野。鳥。  
殺。人。倚。西。風。迴。山。當。北。郭。橫。十。年。吟。望。處。回。首。晚。  
愁。生。

雄壯 蘊藉

熊高福

字兼五 別號

寧州貢生 著有雪研

有活水園為別墅絕景 知名之士皆觴咏焉

### 遊版峰

版。峯。霄。半。立。引。蔓。觸。飛。雲。來。往。人。蹤。少。高。低。翠。色。  
分。山。汲。多。雨。意。洞。古。有。天。文。爨。殺。茅。菴。納。是。非。絕。

不聞

五六非深于山遊者 不能道亦不解道

窮。險。尋。仙。跡。紆。盤。鳥。道。紛。入。松。身。滿。露。履。石。足。生。  
雲。猿。嘯。臨。風。聽。花。香。隔。澗。聞。峰。頭。延。遠。眺。紫。綠。互。  
成。文。

語帶烟霞花香 句尤為秀逸

### 家太史鶴嶠過活水園即用見贈元韵

夜。色。臨。郊。墅。霜。花。一。路。明。曲。岑。迷。望。眼。野。寺。冷。鐘。  
聲。月。照。楓。山。白。園。看。活。水。清。下。輿。欣。把。手。款。話。  
家。情。

寫夜景幽 雋味永

### 送余比部蓉菴家太史鶴嶠過東嶺

並。輿。登。絕。嶺。高。步。何。崢。嶸。古。嶂。添。空。翠。流。泉。送。遠。

聲。決。皆。飛。鳥。出。懸。棧。旅。人。行。迴。首。立。雲。脚。悠。然。萬  
里。情。

三四絕  
似唐人

楊二可行過活水園道近感賦

六。年。一。見。面。仍。是。向。時。痴。鬼。笑。書。生。拙。天。憐。壯。士  
悲。牢。騷。千。日。酒。風。雨。幾。篇。詩。莫。墮。英。雄。淚。南。金。猷  
有。時。

驚人之句  
逼似少陵

已巳九日偕翟司馬丹溪陳主簿寧齋程少

府旭初丁孝廉可堂王鈍夫胡寓刪前輩

宴集南岬四首選二

且踐登高約。秋風石磴涼。輕烟迷斷岸。古木掛斜

陽。花與人俱瘦。詩因酒更狂。杯盤狼藉後。片月下

滄浪。氣老詞蒼  
臻于自然

性僻耽山水。嶼岩捫葛藤。客懷閒侶鶴。秋意澹於

僧。絕嶽人偕陟。荒亭我獸登。振衣千仞上。雲壑帽

層。三句奇四  
句尤奇

暮秋江城寄內

何處秋砧急。江寒雁唳頻。夢魂千里共。風雨一燈  
親。憐我長為客。知卿久耐貧。曲將慈母意。莫說未

歸人。寄內而及事  
親情至義盡

書故太史周白亭遺草後

雙井燈傳熄。荒。八百秋多君續絕調。俾我憶風流。詩態宛如昨。斯人竟不留。茂陵遺帙散。零落恐難求。

悲今思古  
俯仰情深

豫章留別蔣舍人心餘

秋蟬鳴不已。鄉思忽相牽。親老難為客。愁多懶問天。檢裝餘蠹簡。得句遞華箋。記我臨岐日。東湖月

正圓。

至情  
擬結

贈羅浮梅

誅茅卜築枕江流。日。沙汀狎素鷗。花綴東籬人。中。酒月明。犀浦夜登樓。執筆硯供清課。自寫雲

山作卧遊。古貌古心誰得侶。前身的是舊羅浮。

同汪魚亭過東嶺

輕裝結束踏朝煙。一線盤空棧道懸。古壑松濤疑。虎嘯幽巖花露滴。龍涎半山有客同。敲句雙竹肩。人竟上天。瞥見陰。深翠裡。襪裊山衲揖風前。

崎嶇登頓偏寫  
得瀟洒可喜

東湖客舍次王仲李劉遂樓洪兩山贈韻

白眼紅塵汗漫遊。此身落。寄虛舟。孤懷擬託湖。心。月。熟。夢。應。憐。水。面。鷗。不。道。清。吟。逢。勁。敵。難。憑。濁。酒。戰。牢。愁。客。顏。久。向。天。涯。老。潦。倒。西。風。又。滯。留。



閒適自得

五嶠梅峰長茅雜詠四首

勝地結芙蓉參差矗天半。昔風四面來漫空香雪亂。

合港花橋

春漲澹烟痕。岼花覆溪路。挈伴過橋西。人從花裏度。

北岸松琴

為訪松丈人。閒吟溪上路。濤聲耳畔生。解我指間趣。

雙溪漁唱

爛醉三更月。長歌一遂風。亂流光不定。款乃過溪東。

四詩俱味外有味秀雅絕倫  
步屨活水園雜詠

細雨灑輕塵。尋詩過亭午。低頭拾落花。卷落隨風舞。

露臺

坐我池上臺。清光夜如水。花影墮闌干。春風吹不起。

月塢

國朝詩集

卷二 熊高福

十

微風蕩碧空。清光漏雲罅。林深人未眠。詩魂冷遙

夜。幽冷稱題

劉念拔

字最超。別號笛樓。奉新人需次。縣佐著有客墨園草併善丹青。

送洪兩山歸吳城

幾日石尤風。欲歸不得。忽唱渡江吟。水天秋色。客中送客難。兩岸斜陽黑。結得有味

活水園

熊君栖隱處。何事不清幽。帶露移香菊。穿山引活流。客非當代士。境是古丹邱。瀟洒雲霞意。殷勤代主留。

東別汪魚亭

酒冷青天暮。東風叫鷓鴣。長途憑老馬。一劍累奚奴。我際此行役。君應轉轆轤。北平千萬里。何處寄愁吾。起首矯健蒼老

雪中懷洪梅亭年伯之龍泉幕

愁赴蓮花幕。高堂已七旬。雪埋枯柳。驛人出野堤。濱匡嶺。今宵臘。文江此後春。詰日立春孤舟休聽笛。梅落恐傷神。三四句含酸楚而不見着跡

送羅吏目聖能入都

一雁衝寒塞。孤雲天際黑。同此飛騰心。君行余不

得回首。禿楊風千條。盡向北。

真摯之情  
溢于楮墨

久不得涂主政際昌表兄京息

一自垂楊管別離。不曾短笛上樓吹。身衢神驥騰  
應早。天上雲鴻到尚遲。白露小池荷葉老。黃昏疎  
雨。畫簾垂。夢君待漏交相慰。九畹滋蘭佩有時。

後四句深情雅  
景含蓄無盡

送宋措衡之潯陽

獨買輕舸越浪花。潯陽景物興無涯。東風兩岸棠  
梨長。暮雨空江燕子斜。往跡尚堪尋栗里。孤亭莫  
漫上琵琶。君行我亦天涯客。同此相思隔紫霞。

二四神  
朱雋永

題胡稼堂桐陰消夏圖 二首

百尺桐陰覆小廬。藤床有客靜裁詩。溪流一線從  
天下。淡到鬚眉不自知。

紅囊釵茗帶雲燒。冰水無勞公子調。沙尾鷗眠誰  
作伴。攜琴人過夕陽橋。  
蕭洒清涼  
辟易暑氣

題自畫鷓鴣圖

紅日沉時釣叟歸。鷓鴣飛上石崖西。晴光水面搖  
花影。認得遊魚欲下溪。  
新艷  
絕倫

萬元慶 字聲傳南城人

古意

高樹鳴夜蟬。其聲淒以幽。有女立深閨。終夜泣無  
儔。顏色本天然。性情亦溫柔。自顧惜年華。何以慰  
所求。秋月照幽耿。泪落不能收。  
遇時之女。侘僚之士。同是一副。

痕泪

擬古詩

秋風吹萬木。槭々散菁英。感慨憶繁華。落穆難為  
情。羨彼松柏枝。氣象何崢嶸。蕭疎寒日秀。磊落晚  
霜明。先時同碌々。值境始知名。乃知宇宙物。所貴  
節操貞。迤邐與屈柳。天之所以成。古來奇達士。豈

在慕虛聲

撫松栢以自厲  
不愧古之志士

登潭山

登臨聊適興。結伴俯高岑。鐘響寒幽梵。泉聲落古  
林。白雲千岫出。秋雨半江深。爽豁披襟滿。悠々日

暮心

寫景  
恬適

北莊道中

秋臯禾已熟。落日鳥齊飛。石澗寒泉淺。霜林舊葉  
稀。斷橋孤客返。野迳一樵歸。素月東山上。清輝薄

照衣

清遠如  
王孟

西來庵夏夜有懷王仲李

山寺初涼夕。蟬聲滿樹催。雨餘千嶂出。雲破一僧來。石榻和烟卧。書牕向竹開。悵然思遠客。夢到鬱

孤臺。

王名廷楷龍南人鬱孤臺在贛州

空山岑寂懷人自切

王鼎

字瑤凝號銘堂會昌人初任浙江平陽丞著有缶鳴諸草

莫貞女詩

貞女廣東人

莫言妾有鏡。破豈復完。莫言妾有絃。斷豈復

彈。縱教未謀面。於義非所安。殷勤存一綫。不使夜

臺寒。烏啼霜華隕。鵲泣淚珠乾。惟餘古冰雪。留作

妾心肝。良人如可作。剖與良人看。

摹古而不為古所縛深于

也古者

介社軒坐雨

石燕騰空久。連綿雨不休。簷懸千溜直。水泊一亭

浮。嶺霧兼天濕。溪雲入檻流。荆扉人跡罕。長晝靜

悠。

名句可誦

山中習靜

翠巒千疊迥。楊柳一池煙。門掩瀟湘色。心遊太古

天。水軒沙鳥狎。花塢竹雞眠。坐臥忘言處。真如入

定禪。

秀健不減前人

燕邸雨後月下懷兄弟

夕陰鋪晚翠。欄外一披衣。雨洗苔塵淨。煙籠月影

微。每。憐。魚。信。杳。還。憶。雁。行。稀。想。到。離。群。處。三。春。客。  
未。歸。真性流露  
藹然可誦

西園即事和傅京兆原韵

紅。墻。遥。映。幾。重。圍。靜。攝。情。懷。坐。石。磯。風。過。青。松。垂。  
露。冷。天。移。白。鳥。逐。霞。飛。碧。荷。漏。日。魚。猶。在。朱。檻。眠。  
雲。鹿。乍。歸。景。物。戀。入。忘。溽。暑。水。聲。煙。樹。兩。依。微。

結韵鏗鏘  
造辭警策

送賴宁光明經南歸

三。年。客。邸。繫。征。鏡。日。斷。春。煙。處。橋。殘。柳。為。君。愁。  
更。折。疎。桐。顧。我。未。全。焦。盃。傾。燕。市。黃。鵝。酒。棹。看。廣。

陵。白。鷺。潮。春。暖。飛。鴻。應。北。向。蘆。根。莫。便。狎。漁。樵。

曾廷試

字左車撫州樂安諸生著有策堂燼餘

雲龍庵避暑

赤。雲。飛。空。日。如。火。尋。幽。避。溽。何。處。可。禪。扉。僻。谷。烟。  
雲。深。山。僧。酒。熟。先。招。我。山。光。遠。接。沉。水。曲。樹。雲。疊。  
染。蒼。厓。綠。風。情。物。態。浩。無。窮。天。遣。幽。人。開。眼。目。林。  
上。無。風。松。自。聲。林。下。落。花。鳥。自。鳴。白。鶴。見。人。亦。起。  
舞。白。雲。捲。雨。溪。冷。冷。芳。草。擁。籬。翠。尺。許。栢。葉。飛。香。  
洒。微。雨。醉。倒。就。地。枕。石。眠。流。鶯。又。來。枝。上。語。毛。髮。  
生。涼。覺。滿。颯。起來。一。笑。空。浩。劫。出。門。踏。月。看。青。天。

山僧我我不答

與會  
高爽

### 植蘭

蕭艾擁蘭蕙。相依寧有情。俱承雨露澤。共分日月榮。  
臭味本自殊。性豈同幽貞。蕭艾互盤結。生意恆菁菁。  
蘭蕙苦侵奪。容色減華精。豈徒減華精。漸已相推傾。  
寄語東園公。須囑鋤畦丁。雜草及初長。莫待荒穢成。  
從來樹嘉禾。力與稂莠爭。

結更清警

### 江亭和杜

野色江亭合。幽吟獨坐時。草深林影靜。花落鳥聲遲。  
過雨山俱好。爭榮物自私。暢呼村舍酒。細和杜

### 陵詩

### 舟中同友話舊

一江風月一天秋。共坐深更話小舟。故態半生真自負。  
初心何日可全酬。鏡中白髮添將滿。囊底多金散不留。  
且將濁醪消塊磊。莫教鷗鳥笑閑愁。

### 冬杪寓拱辰閣雪中偶懷

勁風呼雨如揮鞭。深夜寒飈心悒恹。何物愁魔擾夢顛。  
清鐘敲破驚孤眠。有家作客復年年。落寞餓驅誰與憐。  
只有詩魂窮益堅。曉來對雪興翩翩。試諮滕六誠何緣。  
王龍百萬耕銀田。又瀉銀河水幾

千霜刀碎剪。爭奇妍。飄飄散作花漫天。青山滿眼  
俄白髮。濁世紅塵。一交遷。乾坤老却色更鮮。豪家  
酌酒開瓊筵。醉裡狂呼稱詩仙。我欲攜酒下若邊  
擊囊長嗟。羞無錢。幸僧煮茗飲玉川。併熱爐烟拭  
素絃。一盃一咏興陶然。頻呵凍筆揮長篇。燃髭讀  
羅意留連。即與閒情俱泯焉。  
奇恣似  
昌黎

花晨雨

天工殊愛惜。培護發新花。風雨緣何事。偏偏減物華。

黃詒字

會昌縣貢生

題友人棹舟圖

白蘋洲外波蕩。彼美人兮。搵蘭漿。未是浮家陸  
天隨。恍惚泛槎張博望。一笠一竿。一蒲葵。罷釣端  
然挹高爽。凌波欲擊水三千。乘風萬里。杼遐想。吁  
嗟乎。天空欲向之。海濶窮殊象。十尋珊瑚。歸鉄網  
一嘯東瀛。天地清。散振扶桑樹。偃仰。  
大氣  
流轉

南歸至砥瀾閣下

在會昌縣下三里許

未逢愛馬客。空作飯牛歌。浪跡經霜塞。歸舟傍竹  
坡。鄉思灘路盡。情話里門多。翹首砥瀾閣。松風亦  
盪摩。  
五六寫歸  
景如畫

漱玉舫春興



假榻山亭裏。波光日盪胸。鏡明天上下。韻遠屋琤琮。雨過群芳媚。煙收軟翠濃。春禽啼不住。清籟落疎松。

山居絕景

### 村店小憩

竹輿臨午倦。小憩白雲隈。地迸霜天笋。花香竹塢梅。山亭樵共席。野店僕分杯。莫以歸途遠。倉皇屐步催。

真樸有味

### 泥坑山庄

侵尋巖壑裡。野性愜煙蘿。竹徑通幽磔。松庄隱曲阿。水憐崖瀑瀉。山愛岫雲多。永晝清無極。依欄鳥

和歌

清幽異常

### 重游金陵過王伏草前輩故居

畱燕留趙復畱吳。到處畱踪類賈胡。歷盡關河霜劍冷。重遊龍虎頰雲孤。銷沉鉄索隨潮去。零落瓊枝入夢無。更惜湖村空訪舊。滿庭芳艸一時枯。

沉雄悲壯

### 彈琴即席聯吟

一嘯層樓放眼空。倚欄環聽嶧山桐。高歌霧雪連雲白。遥振林花落砌紅。流水亂翻滄海浪。長松飛捲午天風。寂憐入座逢歡伯。擊鉢吟成響未終。

語：確切  
語：雄壯

東楊編修默堂

青華露浣陌塵清。侍從門高北斗橫。聞道春來無  
別擾。百花飛。裊。讀書聲。風流  
秀傑

發潞河口占

廿年三向塞垣遊。飄泊心期付海鷗。杜宇啼殘歸  
思晚。半肩書。西木蘭舟。悲涼沉摯  
偏饒風韻

午睡

短睡松風入夢長。遽。清晝卧羲皇。為言偃蓋稍  
頭鶴。休啄松花墮石床。逸秀

洪鐘

字少荀一字兩山江西新建人  
諸生著有髻丫贖草兩山詩鈔

雲中六解

雲中有君紛。七來下。我駕風馬相逢月夜。一解謂我

披髮上。睨真宰。珊瑚七尺不遺滄海。二解如彼魯陽

能揮大戈。流影可駢天。夢奈何。三解維昔有車輪則

曳矣。維今有劍鋒。則淬矣。四解清泉浴我白日照我

風雷無心出。此。輶。軻。五解草以指佞豸以觸邪蒼生

蒼生斯人也耶。六解  
意曲而  
語與

書汪魚亭詩鈔後

大造工陶鑄。詩壇得正毅寸心。薄雲漢。隻語動公

卿。蔣詡開三徑。謂太史若主楊雄敵五城。謂明經子載倚樓

春。遂斷白髮一時生。集中南詩哭極為惋惻白壁一雙在青

綉。山王子晉花徑日來過。謂明經銅十載磨達心吹海水高響入巖阿半榻寒山寺

中間感喟多。雅適中具奇恣

豐城熊某索余應鴻博試劍池賦稿感賦一

律

索筆年。走傳車。曾將寶氣試張華。只今一賦添

芒角。迴首雙鬟失髻丫。天上故人鞭紫電。袖中遺

我掣青蛇。同應試為劉孝廉記州陳廣文靜遠楊明經子載彭太史共楮劉禮部叙秋葉

孝廉子山汪明經秋風忽起鳴孤槩。尚有精神出

土花。光氣熊直通斗漢

哭秋兒燕兒

蕭。白楊墓。一一鬼燐青。下有嬌兒骨。酸風吹血

腥。酸楚不忍多讀

六月廿夜飲長寧曹淳雲寓邸同龍南王仲

李

樺燭深林晚磬殘。異鄉兄弟此盤桓。三千白髮欺

尊酒。激起天風下雨寒。

廬山曾向上頭陰。棖觸家園旅夜心。劍倚平原荒

國朝詩觀

卷二 洪鐘

樹外。芙蓉。青。隔。遠。烟。深。

倦鳥還歸樹底巢。感時夜半首頻搔。故人賴有柯

亭笛。一曲吹開海月高。

慷慨激昂氣無怒  
張得人之遺意

陳顯英

字晴波高安縣諸生歲已未侯館其家  
與奉新甘理齋三人同結變雲軒社課

文後竟得心疾柵卧丈室中數  
年而死才人命蹇一至于此

### 中秋偕友賞月

明月中秋夜。天開景不常。古人今已去。我輩復登

場。一盞能空世。百年儘教狂。名從身後定。何必問

蒼。

毛閻齋曰句淺味深殊有  
慷慨悲歌振衣千仞之致

毛濟美

字世其新昌縣諸生為人高狂洒落年  
四十時過市被木架壓死生平清新之

句如郊遊即事鐘磬乘風出遠寺漁樵帶月  
入村家一笑橋懷古縱有楊朱須破涕豈無  
阮籍且開顏聽蛙鳴一個倡隨連個七半殺  
微接弄聲。除夕即事半生腐朽供多病一  
歲艱危總乏錢檢點酒逋償未了更  
拖樂債過明年如此之類不可勝數

### 咏雪課兒用寒字

風積雲愁雨正闌。粉糝六出綴琅玕。文禽愛羽先

藏影。流水無心懶下灘。授簡愧予能作賦。映書期

爾與同看。程門諸弟多勤苦。夜立庭階未識寒

前四咏雪後四課兒仍  
典雪事相關深為雅切

### 薄暮聞笛有感

夜氣沁心脾。端居邈所為。何曾欺暗室。都已負明

時出世情誰擬。平生貴自知。江邊梅正發。短笛更  
休吹。

悲歌感慨不  
露形迹故佳

王廷楷

字仲李一字笛洲  
龍南廩生著有紀遊草

晤盛于埜先生

在昔上羅浮。南極出高天。四百三十二。離竒峰延  
綿。龍雲變朝昏。虎風振海壖。花首真人去。軒轅往  
不還。蒼黃如有失。欲歌却無言。悠思陶元亮。田園  
對廬山。太白產巴蜀。出入峨眉間。風流擅唐晉。而  
無一詩傳。我瞻盛夫子。乃亦茫然。大道直如髮。  
衆妙局其門。遂巡發浩歌。秋露冷徽絃。

變幻  
无俛

### 寄懷馮四奠亭

舉杯不成酌。兀坐起長歎。開牖延明月。悠然見遙  
天。彼美我所思。相望隔雲端。舊年南海畔。今年西  
江干。遺汝離憂深。枯桐為誰彈。我亦非曠士。長歌  
澧有蘭。

三四絕似陶令採  
菊東籬下神韻

七月晦夜與何大懋亭劉大品三洪大雨山  
讌集馮四奠亭東湖旅邸即席分贈拈得

### 清字贈兩山

詞賦千載崇兩京。齊梁以後等蟬鳴。大雅一歸稷  
與契。誰復崛起集大成。吾江宗派玉父尊。君今得

之早擅名。年少努力。縱高步。丰姿瀟灑。氣峻嶒。餘  
 子風骨亦礪砢。一見不覺肝胆傾。相呼相喚。東湖  
 畔。激滌湖光對酒清。是夜秋風動江城。欲雨不雨。  
 到三更。湖天星斗忽破碎。四座無言。停酌觥。我能  
 拔劍斫地。歌呼起。又恐觸爾抑塞。無那之繁音。叶  
 君不見芝房寶鼎紀瑞錄。漢家全盛譜歌賡。是科  
 始用。又。不見阿閣由來巢鸞鷲。笙磬鐘鏞和其聲。  
 天生凡材各適用。豈有麒麟地上行。波瀾老成

光孝寺

寺在廣州府城

聞道虞翻苑。相看梵刹崇。壇高西晉月。幡滿大唐。

風劫盡。松還健。禪冥海欲空。楞嚴傳誦遍。筆授名軒

憶房融

古健不羣

七夕前一夜讌集毅堂宗丈客舍和宗孝廉

濱洲伯原韻

秋歸簾幙靜。庭草暗生涼。羅綺明宵節。豪翰此夜  
 觴。露光浮玉液。墨瀋落瓊漿。豈待青鸞下。長熏百

和香

純雅

登高觀樓和劉大笛樓韻

曉角動羈愁。歌呼上碧樓。鄉書催雁足。客袂傍雲  
 頭。砧響風中急。人煙樹裏稠。還家頗有夢。深悔此

長遊

相顧成蕭瑟。含情一倚欄。秋從孤閣占。人並五峰寒。遊履到同着。儒冠舊欲彈。離羣他日思。雲際是長安。

笛樓以需次少

三四雄渾无匹

訪焚魚子不值

步曉出城闥。秋深霽色勻。乾坤懸此境。門巷有斯人。露重敲詩石。風歌漉酒巾。况聞真愛客。吟望實逡巡。

丁丑二月抵嶺南作四之二

浮沙通驛接平蕪。潮落風停一望迂。春入花田鶯

唱暖煙銷野戍。雁聲孤衣冠今古歸。唐漢山水東

南護楚吳濠。上太平諸士女。用歌尊舞扇賽西湖

香艷似温李

雲踪幾載遍塵埃。又值清明淑景催。同學騎車多北上一。船煙雨獨南來。春深草藉虞翻苑。風急花飛陸賈臺。載酒堂今誰是主。新詩好與共徘徊。

三四類陸劍南

鎮海樓晚眺同江南沈藜亭作 四之二

嶺南形勝俯樓前。眼底乾坤一夕煙。七月火流風變暑。九州山盡海連天。伏波銅柱聯雲矗。合浦珠

胎待月圓但看榮名並川嶽羅浮何事訪神仙

切時切地  
語極豪放

布襪青鞋入畫圖翠巒迴合碧樓孤半山古木千  
章秀一夕寒雲萬壑殊歌嘯欲吟長劍氣關河各  
滯少年軀蒼葭別後勞思夢海色秋風幾度渝

婁妃墓和洪兩山韻

地靈何處護荒碑二百年來表識遲烈婦至今封  
馬鬣降王當日走龍旗空江殘月魂歸夜故殿終  
風恨滿時金盃玉魚灰劫盡那堪吹笛和新詞  
得淒涼憑  
弔之神

書家音後寄穆齋大兄

秋風颯：暮雲黃不敢登臨憶草堂弟妹有懷皆  
少。小庭闌無計慰存亡。三江水瀉草流濶一鴈聲  
來。楚塞忙何事依栖成久客烏絲日寫斷人腸

語闌至性  
自饒至味

章門晤徐太史蕙畝

詞賦蘭臺見亦稀昔年傳寫有光輝獨當省署飛  
文鳥勞向風塵問布衣倚劍氣吹虹影碧卷簾香  
卷篆煙微平生頗惜千秋意流水深：寄玉徽

雅韻  
鏗鏘



嶺南奉寄黃素堂太夫子

瑟。梧桐露。蕭。蘆荻。颼。炎。荒。秋。已。徧。故。國。我。猶。  
離。長。缺。倚。樓。看。孤。檠。繫。客。思。聽。鴻。寒。日。落。瞻。斗。暮。  
煙。欺。夢。憶。登。臺。昔。分。明。立。雪。時。揚。州。梅。始。放。謂建昌郡  
伯姚師北。館。柳。初。垂。帳。影。臨。江。動。藜。光。徹。夜。吹。圖。書。  
傳。舊。業。風。月。共。新。詩。引。退。還。憂。國。憐。才。猥。及。台。濫。  
紆。仙。侶。後。更。與。古。人。期。自。謂。蔦。蘿。質。增。榮。玉。樹。枝。  
蘓。生。喪。再。敝。楊。子。路。仍。岐。南。浦。重。雲。散。丙子秋別章門羊。  
城。疋。馬。嘶。鬢。塵。添。海。薄。別。恨。滿。天。涯。踰。嶺。鶴。來。遠。  
過。瀧。鯉。去。遲。何。因。借。鵬。翼。飛。傍。鳳。凰。池。語七簡重句

走流

蠶家曲 佛山道中作

還。素。手。扶。蘭。槩。望。諸。佛。山。潮。長。送。郎。去。潮。消。與。郎。

天。高。月。不。小。風。依。夏。亦。涼。為。郎。沽。美。酒。綠。綺。佐。流。

屬。郎。譜。竹。枝。詞。儂。唱。采。蓮。曲。歌。音。兩。不。知。款。乃。聲。相。

桃。柳。過。眼。空。春。華。應。自。惜。郎。看。花。田。花。時便遊空。  
遺。後。人。摘。

奚童引歸馬。待郎立岸傍。天南多。蒨露無使濕衣。

裳。語：新艷饒有子夜讀曲之餘

余瑚字禹拜號蕪軒奉新人乾隆丙子舉人

登西山絕頂退而有作

平生愛讀書。自矜眼力快。讀至羲黃前。便覺乾坤大。巍七千仞。崗野曠。天無碍。如何人世間。咫尺分疆界。丈夫好襟懷。誰能守纖芥。仰依日月光。俯瞰江河匯。杖策走崑崙。將預神仙會。黃雀不時來。歲月忽其邁。寶劍挂床頭。夜一留光怪。

胸懷洒落出語迥異

東徐四蕙晦

猱猿貪語夕。鴻雁愛飛秋。庸知風色緊。散作滿天愁。勿以清寂故。而謬為營謀。勿以懷遠想。搖一憶滄洲。秋旻除粉飾。雲水澹油一。夜寥霜露蒨。空翠互相酬。不辨人天籟。流响常悠悠。願言秉昭曠。乾坤為君舟。君舟有超越。四表一龍游。黃鶴常不慕。蕉鹿復何求。時蕙畝養疴家居詩以寬之

尋梅

小草堪供藥。園蔬煮作糧。生逢明聖代。貧病不敢康。曉來踏冰雪。尋梅石礧旁。石礧何磊一。斑剝動寒芒。下有百丈水。上有千尋岡。梅花居其間。雲日

相。徜徉。新陽回。妙悟。倩影有輝光。南枝才一放。四海想幽香。誰云骨獨傲。同此附青皇。  
取物見志卓爾不羣

楊柳洲觀競渡

插蒲劍。懸艾虎。搖布旗。打土鼓。蒼波浩。木龍舞。舞木龍。慶天中。黃金樹。上鴉啼。綠檣火。灘頭鷺。踏紅沓。蹄輪楊柳渡。美人蕭管迷。烟霧迷。烟霧香。風暮客散西山日。人盪採蓮舟。歌一曲。浪悠悠。笑

蓉月滿汀洲。

不獨筆墨鮮艷併能繪出太平景色

菊庭月夜夢徐大東啟

天清地白。黃花發。有客驅風。叫明月。明月。明月。堦前。渾

是霜。明月光中。誰氏郎。相攜相笑。坐寒芒。人生見解各殊方。我曾看菊不題香。獨題神骨辨微茫。微茫之中誰得似。前有靈均後栗里。徐子遭逢明盛時。神骨清高乃如此。去年君去雁聲悲。今年南雁復參差。乾坤浩蕩多憂虞。歲月催人老不知。對君嘆。慘君衣。人世別離事已非。况今零露正淒其。烏啼月落君竟去。起看黃花霜似絮。  
起首突兀結得勁峭

老樹軒蘭瑞

一本開三十六朵恰符六六之數

輪囷菟結。鳴寒颼。晴雲閃爍。陰雲流玄。鶴生孫鳳。將雛城南。老樹幾千秋。千秋老樹宣靈秘。上有白

崔之雙。下有紫莖之對。對。紫莖着清芬。綠  
艷金稜從古貴。君不見傳教臺前雨冷。河上榮  
光徹眼明。天垂象地流形。簡編剝落香仍存。我對  
此花誦山墳。遙意此花直從龍馬立。精神即今月  
窟。天根誰復探等閒。還見三十六宮春。主人曉夜  
拋心力。烟花撩繞青雲集。洩盡英華造物愁。平將  
九畹羅香色。河陽洛陽雲濛。遮莫異芳。不得  
吁嗟平城南。老樹棟梁材。城南名花叢。薊國此樹  
復。此花蒼。更鬱。為君譜作瑞蘭歌。為我題名  
老樹側。起首精神百倍我意以下奇崛變幻不可方倪

瀑布水

白龍空際現。蜿蜒化飛流。練色青。夏。台寒聲下上  
浮。吟風干。嶂雨掛。月一簾秋。久坐侵肌骨。蕭然氣  
味幽。題多名作 堪分一座

冬夜

香銷鴨冷夜缸紅。掩卷憑欄小閣東。村浴大。嗥。十  
里月。樓臺鐘動五更風。無多地面松林外。數點天  
心梅蕊中。自倚吟筇浮一白。更無人與共詩筒。

三四雄渾

太湖新河詩

河故西繞明末蛟為患決而東  
吳公蒞湖相土築堤水還故道

詩以  
誦之

六年琴雀擁南齊。靈雨郊原問古碑。指點冰夷還故道。銀河重掛斗城西。

斷虹橫亘蹴鬼岬。十里新堤萬柳攢。紅板有情應拍月。朱戈無語自安瀾。

方懋祿

字定之。號澄園。江蘇元和人。戊辰進士。

奉檄赴新喻中途有感而作

浮名紛變幻。仕路多險巇。春冰虎尾間。涉足誠艱

危。昔我官盱江。五邑肩相隨。騎省早淪喪。水部命

垂離。瀘溪徐君卒于官。廣昌何君以虧缺倉穀被劾。才能葉與楊。一蹶不

自支

南葉君楊君俱被劾去。

前年來洪州。僚友等奕棋。周

老倉猝去

大峽江周君穆子未及期。

穆君祗任吉及二年以前任

賢失察一碩果惟暨君。復此遭傾歎我本淡薄。

榮利非所期。五載數同官。蹉跌嗟纍纍。乃知宦海

中。浩渺無津涯。一葉觸巨濤。有力將安施。人生責

適。性泉石。堪遨嬉。胡為落塵網。俯首就熱維。理達

意無滯。境曠心即怡。卓哉淵明翁。一盞醉東籬。

中序多人不見堆砌才大也至語語危惕尤為宦海人五夜晨鍾

爾莊暉亭見贈即次元韻

銀蠟風簷淚始乾。牽絲應比治絲難。雲霄事業慚

千載湖海心情累一官。潘令花殘春信老沈郎腰  
折帶圍寬新吟忽向愁中至似展奇書得古懽  
閒達

鄉音間隔人事參差兀坐書空了無佳趣適  
慧力寺重構幽暢新亭繹山天秩三詩人  
約往偕遊忽未果也即次繹三紀遊之  
作及九日登高原韻得詩二首

無數長亭更短亭故山何處艸青青。三秋目斷飛  
雙雁五夜腸迴九曲屏世事如雲驚變幻心期有  
路托高冥輸他瀟洒尋幽客古寺鐘聲拄杖聽

駑馬何須鬪驪驪名途觸處是危岡壯心冷似風  
前露愁緒多于雨後秧一局誰能分黑白六爻空  
與辨元黃幾時曳杖田園去閒課耕耘足稻梁  
三四  
清新

僮于夢中作囈語

憐汝相隨髮尚髻離鄉千里路迢迢。夜來囈語吾  
能解夢到長洲舊鵲橋。長洲縣治前有橋  
名烏鵲僮所居也主僕  
亦可  
情  
求

聞歌四首

黃昏簾捲雨絲。一曲紅牙按拍時。未免有情聽

國朝詩集 卷二  
不得如花似水斷腸詞。歌玉茗堂如花美眷一闌

無限春愁怨寂寥。酒闌燈灺夜迢迢。銷魂紅豆相

思曲。嗚咽隨風度玉簫。

少日詞場劇賞音。倚聲分調費研尋。如今豪興都

消歇。冷落周郎顧曲心。

十年踪跡任蹉跎。愁時秋風喚奈何。莫按檀槽再

三唱。青衫司馬泪痕多。四首語極風流情多感慨

朱英千 字遜安號一亭江西南安府崇義縣人優貢生

落花

落花片、心。倩誰訴幽閣。原為春吹開。却被春吹

落。芳魂猶展轉。暗與衣香著。美人欲簪簪。莫待怨

寂寞。新艷

欲到聶都尋章源。諸勝途中即景。章原吟八首

未經窮絕壑。先此耐幽攀。破帽雙肩雪。靈岳百丈

山。樹梢人隱見。雲外水潺湲。遙識章原洞。蒼茫落

照間。

坦東橋 橋界庾崇二邑在石峽懸崖間水駛溪深行者不能久瞬

兩山懸峭岸。梯石竟成橋。匹練空中度。寒泉足底

搖。鵲疑橫碧漢人。勝駕青霄莫道天。台遠雲根訪

未遙。

章水源 山海經水經註云出聶都東山考今誌即聶東沙溪洞也水從仰天窩出

其下有巨石丈餘如盤承之禹跡猶存云

混：從山出油：似海通西江騰浩淼南國啟鴻

蒙潤下寧無本成章信有功高源番禹跡博望幾

曾窮 三四 確切

章源橋 至聶村東水稍大石橋鎖之碧水蒼石交映立橋上諸勝皆見

靜鎖一巒泉蒼：石架川卧龍波浪穩明鏡日星

懸四顧源深地中涵海濶天環橋皆景色到此倍

悠然

雙鶴巖 石色如金銀幽洞曲折無象不具巖口光廠處立雙石鶴如生與通乘所

載迥異識者正之

石室是蓬萊攄幽衆象該迷離穿玉戶與突識瓊

臺倒乳雲千變遺丹井半開問渠雙白鳥何歲結

靈胎 飄仙 欲仙

獅子巖 山聳如獅登者由石磴上傑閣：却巖口入巖朗暢如兩廳其右石門復

有如小獅 蟠其上

凌空步石梯培塿正難齊白澤壘中見黃雲野外

低樓堪吞海市氣欲吐虹霓應與雙：鶴神遊鹿

苑西

蓮花巖 光朗中有天憲曲巷有堂垂大蓮花有樓履之聲逢：然右洞有暗泉有



白石田數百井  
層疊灣砌如弓

薜蔓引光華。三壺似有家。田堆玄圃玉。乳結太初花。曲巷登樓響。虛窓逗日斜。溪聲空際落。疑是泛

仙楂

幽高

羅漢巖

閱舊誌云此洞高低曲通數十里有小溪阜復有仙人基枰傍列十八尊者今封禁不得入

白石蒼苔局。阿羅獨杳冥。此時猶面壁。何日始談

經。寂。烟雲界。茫。水木靈。紅塵驚浪足。示我暮

山青

八首氣格蒼老不在字句雕琢

上朝天閣

閣在崇邑南山頂

紆盤登傑閣。籃筍竟朝天。雨滑羊腸路。風驅鳥道

烟。梯雲看驛使。倚石聽飛泉。縹緲凌空際。誰云骨

未仙。

秋柳三首次載二煥蒼原韻

長條無計綰芳菲。搖落西風信有威。笛裏吹殘驚

遠夢。橋頭折盡餞餘暉。新翻白眼萍依岸。冷對丹

楓葉滿磯。此際飄零虛織組。隋堤滿苑想鶯歸。

至竟丰姿老若何。芙蓉鏡裏尚阿那。宮門色記黃

金。縷官道聲隨白玉珂。蘊藉王恭今瘦減。風流張

緒舊情多。飛蓬耐罷三眠起。會看青。掛薜蘿。

怪底無人問六橋。蒹葭極目共迢迢。眉容却遜秋  
山遠。舞態仍垂夜月嬌。宿海仙株長累。渭城敗  
葉任蕭。榮枯總屬尋常事。莫向寒林訴晚凋。  
三首雅切却不見雕琢之痕

賦得秋旅次韻

秋風客子老平原。眼裏星霜隙過軒。蘆荻淒迷江  
上夢。梧桐冷落月中魂。雕殘好友書辭雁。盼斷前  
途淚比猿。楚水吳山驚歲晚。蒼茫逆旅竟何言。

佳句絕  
類盛唐

藝類

分

